

國家圖書館藏

中華歷史人物別傳集

綫裝書局

皇清賜進士出身
誥授通奉大夫山西布政使署理山西巡撫顯考文與府君行述

皇清賜進士出身 誥授通奉大夫山西布政

使署理山西巡撫軍功 賞戴花翎顯考

文與府君行述

嗚呼痛哉府君竟棄不孝等而長逝耶不
孝襄之自都赴任適府君解組歸里猶得
承歡於旅次者數日甫閱六月竟不能再
覲親顏矣嗚呼痛哉山河遠隔子職多虧
孽重罪深萬死莫贖五中慘裂之時安能

行述

一

茹痛載筆追述府君之行實耶惟念府君
一生報

國型家若不謹就平日所稟承所見聞者急
為纂述恐閱時既久弗彰厥後則不孝等
罪戾彌深用敢瀝血濡毫敬陳梗概伏冀
大人先生采擇焉

府君姓郭氏諱夢齡字文與號小房先世
系出高唐始祖諱禮以廩生館於濰遂家

焉四世祖諱尚友萬歷辛丑進士晉秩戶部尚書總督漕運祀鄉賢五世祖諱永吉

廩生

誥贈中憲大夫雲南武定府知府加一級太高

祖諱一玘廩貢生嘉祥縣訓導

誥贈奉直大夫戶部江南司主事加一級高祖

諱巖廩貢生

誥贈中憲大夫貴州石阡府知府加一級曾祖

行述

諱鴻燮太學生

誥贈通奉大夫山西布政使司布政使曾祖妣

氏陳氏韓曾生祖妣氏韓俱

誥贈夫人祖諱守中太學生大理寺寺丞

誥贈通奉大夫山西布政使司布政使祖妣氏

馬氏王俱

誥贈夫人本生祖諱守經太學生

誥贈通奉大夫山西布政使司布政使本生祖

妣氏王

誥贈夫人考諱榮汾

誥贈通奉大夫山西布政使司布政使本生考

諱衍汾嘉慶丁卯科順天舉人翰林院待

詔

誥贈通奉大夫山西布政使司布政使本生妣

氏張

誥贈夫人繼母氏張

行述

三

誥封太夫人本生王父生子三人府君居長幼

而天性聰明氣度英偉戚黨咸卜為大器

時本生曾王父母在堂愛憐特甚每語人

曰是非凡品深望其紹先緒而大吾門也

及出就外傳數歲中經籍子史多所淹通

有讀書等身之譽歲丙寅本生王母見背

府君年甫十二盡哀盡禮一如成人見者

莫不嗟異洎本生繼祖母來歸愛逾己出

朝夕教以讀書勵行之道府君皆能敬從而力勉之雖天資過人不稍寬假由是學益富文亦益精每作一藝老師宿儒往往見而心折年十九入郡庠第一越三載中式丙子科副榜第二名已卯入闈首題曾有宿構喬皇典麗半能記憶因前次摘藻太富抑置副車遂一切屏棄另出機杼榜發果以第十名舉於鄉庚辰府君出嗣嗣

行述

四

曾王父為本生曾王父胞兄以王父未娶早歿遂嗣府君為孫府君事嗣曾王父母一若本生嗣曾王父母亦鍾愛逾恒未幾嗣曾王父捐館府君承重經理喪儀在在周備雖哀痛過切而在曾王母前未嘗不曲意承歡辛巳本生曾王父母相繼棄世本生王父哀毀骨立府君忍痛勸慰王父始節哀就禮癸未科會試中式進士第三

十二名覆試一等第十一名

殿試二甲第四十八名即用知縣籤分江西親老告近改掣直隸乙酉署龍門縣知縣時有土豪兄弟五人武斷一鄉號五虎府君訪知立捕之置諸法闔邑感頌卸篆時士民赴省懇留因格於例不行公製保民如赤扁額懸諸公堂香花頂禮再拜而後去丙戌補香河縣知縣香河舊有陋規凡

行述

五

肩挑負載入城貿易者兵役必需索之府君出示永禁有犯必懲商民莫不稱便丁亥調補三河縣知縣戊子署順天東路同知己丑奏署大興縣知縣三任皆屬煩劇府君習於勤勞夜以繼日雖差務絡繹而剔奸釐弊案無留牘所到之處民情愛戴循聲滿京畿庚寅升補南路同知蒙

宣宗成皇帝特旨召見

溫諭諄諄備加勛勉府君感激圖報之心益不容
已甫到任值溽沱河決上流文安大城兩
屬邑適當其衝田舍多被淹沒聞信親歷
各處細加勘驗日行泥淖中暑熱熏蒸不
辭勞瘁被災居民力請上官優加撫卹徧
查戶口按名給賑皆躬親監放不假胥吏
二邑士民銜恩切骨公齋扁額萬名衣繖
不遠千里鼓吹送至濰邑於今聽事所懸

行述

六

棠蔭畿南暨忠國愛民二額即兩邑士民
遠道相奉者也初嗣曾王母迎養在直自
酉冬旋里艱於遠行不復出留不孝襄之
在家奉養本生王父亦以家事煩冗不能
就養但每歲一行或市月或五六旬即返
臨行府君依依孺慕旁觀動容王父正色
止之諭以捧檄絕裾之義始泣涕受命然
猶神情惘惘若有所失食不甘味者數日

辛卯本生王父棄養初王父遭痔疾時發
時愈庚寅冬至後疾復作日久不痊府君
時奉委涿州籌辦兵差竣而王父之病
書聞急引疾乞歸竟已無及府君哀痛逾
常幾於減性讀禮家居為不孝等延名師
益友朝夕督課每月聚族中讀書子弟會
課二次佳者獎以紙筆四世祖宮保公祠
歷二百年之久幾至頽廢竭力維持任勞

行述

七

任怨卒使祠宇得全祀事賴以不墜甲午
吾母田夫人即世府君以吾母性至孝能
得堂上歡生平勤儉持家無纖毫失悲悼
之情歷久不忘遂終身不復娶而在嗣曾
王母前曲意承歡未嘗稍形戚戚焉乙未
嗣曾王母見背府君連遭大故形神幾不
可支然喪葬事宜猶必親自擘畫盡善盡
美卒無廢事丙申春濰邑大饑首倡義舉

捐資助賑時城垣傾圮官紳咸欲以工代賑府君慨然曰城工用人無幾且老稚婦女又將如何力排衆議購米煮粥分地設廠按名每日給散閱三月餘至麥收乃止活人無算先太高祖以下未有專祠丁酉秋以寢祀非久遠計出資購地庇材鳩工半載而祠宇告成又出祭田若干畝以奉祭祀凡一切祭器祭品皆立有章程必豐

行述

八

必潔泐石以垂久遠戊戌服闋分發湖北署理荊門直隸州知州荊門為楚北軍要之缺民情刁悍獄訟紛煩命盜案件一歲不知凡幾府君嚴繩以法宵小潛蹤閭閻始獲安堵庚子卸篆後需次省垣隨周敬脩制軍查閱江隄親歷各州縣往來風濤之中屢涉險危毫無畏阻卒使隄工告成荊州一帶恃為保障沿路一切呈詞及拏

獲大盜鹽梟等俱由府君訊辦無枉無縱悉得其平辛丑補武黃同知旋以家次虎伯升任湖北臬司迴避調補湖南長沙同知未行值崇陽逆匪鍾人傑等滋事連陷崇陽通城蒲圻被圍制軍裕東巖先生劉調赴營管理軍需時軍事旁午支應劇繁出入鈎稽備極詳審又同周太守鳴鸞帶兵收復通城首先入城事竣蒙

行述

九

恩賞戴花翎先是有旨令各省督撫保舉人材送部引見府君名登薦剡逮首逆就擒遂押解鍾人傑等三犯入都迭蒙

宣宗召對面奏軍營歉賊情形并善後各事宜天顏喜悅獎勵有加時壬寅五月也自京乞假回籍省親家居數月會族人議脩家乘先是舊譜每閱三十年一脩至是屆期因生齒

益繁與族衆另議格式出資刊刻分支別派瞭若指掌是年冬奉

旨升授四川順慶府知府聞命即束裝赴任順慶為川北劇郡統轄六縣二州獄訟繁多府君督率各屬加意清釐凡情罪稍有未允者每親提研鞫必案無疑實始為申轉關屬翕然郡有朱鳳書院顏墜已久捐廉脩葺堂廡一新厚置膏火大課之外擇其尤

行述

十

者二十餘人常集署中課以詩文律賦及一切雜學終日講論無少厭倦自此順慶文風日盛月課生徒中如岳君秉烜屈君懷珠皆成進士其登乙榜者更指不勝屈乙巳奉有升補蘭州道之

命頒行士民依戀郊外陳設香案叩送數十里絡繹不絕抵甘後邊外生番入卡滋擾鎮軍某往捕被戕林文忠公時署督篆奉

命勦辦進至黑錯寺番人畏罪投誠縛獻首從並

分捕黨羽株連頗衆當時府君審辦全案其情節稍有可疑者每於制軍前力爭之制軍以開釋太多意頗不喜及細閱案供始大加稱贊曰公真以仁存心以果從政凡鞫獄者不皆當如是邪在任四年凡充武鄉試提調一次署臬篆三次兼攝蘭州府事一次本任刑清政簡而署任公務頗

行述

十一

繁府君矢慎矢勤恪恭盡職從不存五日京兆之見先因查辦文安大城水災為暑溼所蒸腰腿時而作疼至戊申秋肝氣觸動腰疼復作步履艱澀遂稟制軍奏請開缺甫經發摺旋即奉

命升授陝西臬司府君以天恩隆重而病體未能遽痊頗為焦灼當於謝恩摺內瀝陳奉有

溫旨准予開缺調理時家四叔供職農部不孝裏之亦任刑曹本生祖母張太夫人就養在京府君急欲省親兼為就醫計遂決意北行抵京後醫治得痊已酉秋

簡授河南臬司案無輕重有稍涉疑難之處必悉心推鞠務得其情不以煅鍊為工使生者負屈亦不以姑息從事使死者含冤至業內株連之人隨到隨釋不使久困囹圄兩

行述

十三

次署理藩司於屬吏之升遷款項之出入無不虛衷采訪悉心稽察每謂人曰用人理財朝廷急務吾在任一日即須盡一日之心敢以泄泄者畢乃事邪辛亥晉秩山西藩司赴京入

覲

召見三次

上詢家世及歷任之事甚詳

頒賜克什二次並

諭以藩司用人理財責任綦重不可阿附督撫等語

陸辭後由京赴晉四天門為驛路通衢亂石崢嶸平定州所屬之南天門為尤甚府君慨然曰吾乘肩輿過此尚虞失墜其他往來行旅顛覆何可勝言立捐俸銀三百兩交平定州鑿脩行人稱便任晉藩凡二年餘

行述

十三

地丁皆年清年款無絲毫蒂欠時值粵匪蔓延滋擾部撥之項羽檄交馳幾無虛日府君斟酌時勢或移緩就急或挹彼注茲卒使庫款不虛懸軍需無虧聞府君於此蓋心力已瘁矣壬子七月兆中丞抱病府君奉

旨充鄉試監臨關防嚴肅未出閨而中丞出缺遂奉

命署理巡撫篆務是年例應舉行軍政因甫經到任不敢漫行舉劾奏請展至來年三月內舉行以期體察周詳激揚得當又奉上諭令保舉堪勝陸路總兵人員送部引見因晉省僅副將二員均莅任未久不敢遽行保奏據實入告府君之事事求實不偏護屬員類如此時托克托城遵道里義興里等二十村被旱奏請分別緩征賑卹皆奉

行述

十四

旨允行山西自庚戌冬辦理清查府君到任後於本署設局督率委員十餘人朝夕旬稽一年有餘窮流溯源澈底澄清即庫中間有閒欸向不咨部者亦必查明報部候撥並於委員中擇其尤出力者奏獎之時廷議令山西陝西四川三省辦理捐輸遂先捐俸銀五千兩為官紳倡並於屬員中擇操守廉潔者酌委數人派往各府州縣剴

切勸導一時官紳士民深明大義踴躍輸將上無抑勒之情下無勉強之意共捐銀一百六十餘萬兩協濟部庫急需各予奏請優敘癸丑二月回藩司本任旋奉

諭旨以前辦捐輸頗有成效著即督同紳士迅速籌辦等因府君念當時軍旅煩興需用甚鉅非竭力輸納不能濟軍國之急遂罄廉俸所積復捐銀五千兩仍令前委各員

行述

十五

妥為勸諭總期有裨國用無忤輿情時粵匪擾及豫省懷慶被圍山西辦理防堵撫軍統滿綠兵勇四千餘名駐澤州署臬司郭觀察統兵勇二千餘名駐潞安彼時藩司本任事務已不勝其煩兼之代行院事軍需總局事體又全恃府君擘畫府君以太原為神京右臂不可不先事豫防存城之兵除撫

臬帶赴防所及調派出省外僅存七八百人率老弱不堪用不得已乃會同地方紳士前太僕寺少卿徐松龕鴻臚寺卿賈亮采內閣侍讀學士郭棣園諸先生招募鄉勇二千名勤加練習復派文武員弁督率兵役嚴密稽察一切戰守器具暨糧艸火藥儲備無遺城垣頽壞須脩城濠亦多淤淺勸令紳民出貲脩鑿先捐俸銀一千兩

行述

十六

以為倡率日歷工次親加勘驗人或疑涉於張皇府君曰有備無患吾效古人矣蓋已逆料晉省之富庶為賊所垂涎而澤潞一帶雖有兵防堵亦未敢恃為保障也河東觀察張公奉撫軍委防守垣曲垣曲與懷慶屬之濟源接壤中有風門口亂石交錯為必守之險觀察以所帶兵勇僅二百名不敷防禦連發三稟添兵堵截卒以援

兵未至賊遂於八月初二日由風門口長驅直入警報到省府君具摺由驛馳奏一面將省城八門土屯其六唯留南北二門出入晚啓早閉又恐有奸細預伏城內夜間啓門接應因令內層城門外面加以櫺鎖甕城中委員帶兵駐守城內堆積土袋萬計以備倉卒城外附近民房有礙城守者悉行拆毀居民移入城中正在分頭布

行述

十七

置間奉到

上諭所有省城一切籌防著該藩司即督飭文武員弁並與特派幫辦之前任太僕寺少卿徐繼畬前任鴻臚寺卿賈克慎前任內閣侍讀學士郭景僖商同辦理總以鎮定人心為妙若官眷先移以致民情搖惑即著嚴參重治其罪蒲州等處逼近陝省尤應亟籌防禦著即知照舒興阿張祥河飭令派防文武一

體嚴查該藩司所請撥陝州防兵赴勦之處已諭知舒興阿迅籌撥派矣等因欽此府君即與太僕徐公等又添募鄉勇二千名每於夜深輕騎出署徧歷四城撫循士民激勵兵弁由是人人感奮嗣奉

上諭太原為畿輔屏藩該藩司即督同紳民妥為布置嚴密設防毋令紛紛遷徙尤宜偵緝奸細毋稍疎忽其井陘一路已諭訥爾經額

行述

十六

派兵入山接應著即飛催前途進援等因欽此維時絳縣曲沃相繼失守平陽危急勝帥托將軍善提軍追賊入山西畛需用浩繁府君先已奏委汾州府胡公帶同正佐各員前赴靈石縣設糧臺以備支應欽奉

硃批甚是又因韓侯嶺為省南咽喉急募壯勇千餘名據險而守北有韓侯嶺堵禦南有勝帥郝鎮軍統兵赴援郭署臬已移駐翼

城杜其回竄之路惟東南潞安一帶空虛府君稟請撫軍前赴潞安迎剿四面兜擊可望一鼓殲禽不意撫軍已引軍回省以致平陽洪洞二處相繼失陷省城人情洶洶府君恐激內變因稟阻撫軍勸其折回并親赴各街巷反復開導曉以大義誓以死守一面具摺歷陳各情形得

旨將撫軍褫問人心始定八月廿一日府君奉

行述

十九

命署撫篆知賊既不敢北來必窮而東竄一莅任即飛調兵勇馳赴潞安截擊乃未及起程賊聞省城有備已於二十三四兩日連陷潞安屬之潞城黎城兩縣東竄出境矣雖接印方及三日而兩縣失守不敢辭咎因具摺自請處分吏部議以照例降二級留任毋庸查級議抵奉

硃批准其抵銷新任晉撫恒宜亭先生未到任

以前府君籌防摺奏幾無虛日將回任時奉到

硃批該逆奔而不留其勢固窮雖欲竄往河南而太原前路防堵尤屬緊要不可稍疎潞城文武下落著查明具奏恒春指日抵晉郭夢齡仍應和衷籌畫以大局為要若遇要件不及相商即徑行馳奏欽此是役也晉省雖殘破七縣而省城根本之地以府君布置安

行述

二十

堵無恙且太原以南平陽以北如平遙介休太谷祁縣等處皆著名富庶久為賊所覬覦者賴府君籌畫之勞備豫之速得以安枕然而心力交瘁精神亦幾不可支矣及還藩司本任

廷議欲借征山西次年地丁府君以賊甫出境民困未蘇於撫軍前詳舉利害力陳不可撫軍乃奏罷其議嗣閱邸抄湖南因失

守屬城兩司褫職遂援之具詳請奏撫軍

以廣西等省失守屬城皆倍於晉亦皆先於晉尚未議及兩司欲俟部中查取職名再議府君曰例有應得之咎即宜自行檢舉尚何所用其觀望乎撫軍不得已據以入奏遂被議罷職歸去官之日卧轍攀轅送扁額送衣繖供奉長生祿位者不可勝計府君天性孝友好施與遇物慈祥而慮

行述

廿一

事縝密當垣曲等處被陷時念賊匪所過殺戮必多諄飭當事者救殘傷埋遺骸恐其惜費自出數百金助之庚戌冬在署河南藩司任癸丑冬在山西藩司任兩次辦理大計自挂牌以至張榜將經手之經承帖寫清書人等遞入內署日給薪水局門督辦俟詳文冊結繕齊將考語空白張榜前一日屏退侍從親手填寫徹夜不寐填

畢即開門放榜以故舉劾得當獎絕風清
兩次署理撫篆凡滿綠各營挑取驍騎校
千把外委馬甲各缺赴箭道歷試馬步技
勇所拔之人無不人人悅服即被黜者亦
皆知愧奮為令時每奉到秋決釘封提出
應決人犯猶再三訊問情罪悉當始置之
法優予棺斂掩埋矜憫之情時刑於外署
巡撫任內每請

行述

廿三

王命一次必寢饋不安者竟日初府君服官直
隸本生祖母佐本生王父秉持家政未能
就養後府君遷官他省又為路遠所阻孺
慕之情鬱結於中未嘗一日釋每遇祖母
壽辰在內堂叩賀畢即至白衣大士庵拈
香祈福供品必親自檢點及至山西屢請
至署祖母亦以路途稍近遂於壬子四月
令家五叔隨侍赴晉當祖母未至之先府

君每因思親之甚輒形不豫至此喜動顏
色雖公務紛煩勞勞終日而得暇即在祖
母前言笑承歡每食必侍而祖母亦頻加
餐飯緣心境舒暢自不覺食之多也居數
月祖母以山西地氣過寒不宜於冬且家
四叔春明供職日久懷思於九月間攜家
五州至京府君懇留祖母曰汝官愈高受
恩愈重但思竭力報效我心即喜不必拘拘於

行述

廿三

晨昏間也且我尚彊健當再來視汝府君
不敢勉強留但唯唯從命而已兩叔少府君
幾二十歲昔本生王父棄世兩叔尚弱府
君培植之勤倍於不孝等常舉王父之好
學以相勸勉每作一文必親閱其優劣而
反覆指示之兩叔無不敬從今家四叔於
癸丑科成進士改庶常家五叔亦於丙午
科舉孝廉行將出宰粵西皆府君教誨之

力也府君有姑母四人妹三人待之必厚
與堂伯叔相處友愛無異同胞先五世祖
中憲公祠歷久未脩懼蝕風雨致有頽敗
壬子獨出已資令弟姪輩監脩之煥然一
新每遇鄉會試族中應試者無論親疎皆
餽以贍族中老弱孤寡及貧無力者其婚
嫁喪葬之需府君皆隨時周之無吝色戚
友亦然有故階州牧王公瑤膠州人卒於

行述

廿四

任所子婦相繼死亡唯遺一女孫依其姊
家以居其姊亦死託身無所流落臨洮間
同鄉吳公龍光言之憫其孤苦急迎至署
飲食衣服與己女同並為備粧奩於諸同
鄉中為之留心擇偶時曲阜孔公昭承任
鎮原令有子憲鼎未聘因作冰焉子歸後
琴瑟綦調憲鼎少年英俊現官甘肅從九
有義僕張功普者濟甯人其主死子尚幼

功普撫之成人並為女公子擇配壽已百
十六歲寓居開封僧舍府君官河南臬司
時召之來見深加獎勵給以衣食養贍並
身後棺木費一時官商聞之爭相施助功
普遂得坐享溫飽又欲為請旌於朝功
普力辭乃止府君自少為文敏捷下筆立
就實大聲宏有國初諸名家風在家在
官從游者甚衆戊申已酉養病在都不孝

行述

廿五

簡之暨孫惇典業師選赴外任乃親自督
課遇不孝等課文不合程式輒自作一藝
示之此時筮仕已二十七年矣拈筆成文
無異曩日生平作詩不喜雕鑿以抒寫性
靈為本著有自然州待梓先伯祖績學不
遇著槐蔭書屋集府君承王父命校訂付
梓府君母舅張雪航先生著有式訓集名
流傳誦而無力付梓府君為之刊行於世

治家於寬和之中常寓嚴整之意不孝等幼時不許衣帛衣裘稍長不許干預外事專事讀書日有程課暇則追述先世舊德及家族隆替之由以為勸戒數十年來洋煙之為害甚烈漸波及於薦紳府君惡之尤切常諭不孝等曰子孫若有吸此物者當置之死地即僕人亦無敢染此習者男女僕婢非年老者不得交一語各限以應

行述

廿六

至之地不得擅為出入內外肅然奉令惟謹而驅使時則必加以矜恤宮室車馬衣服飲食皆淡泊自甘每飯不過二簋菜品稍多輒令撤去以備再食之需生平無所嗜好喜勞惡逸閑居則研究經史吟詩陶情且常為不孝等講貫經書文字至於嬉遊宴會投壺琴棋皆所不好去年秋賊入晉境府君辦理防堵羽書至都絡繹不絕

而從無家諭不孝襲之但在各處訪問消息疑信相參中心怵怵直至賊竄出境方接諭函府君公而忘私如此今春府君罷官將歸適不孝襲之奉

旨補授山西太原遺缺知府因稟請府君在晉暫留俟不孝襲之到時迎養赴任及行至忻州則府君在彼已月餘矣初不孝襲之在部供職十餘年未得常依鄉下至是竊

行述

廿七

喜以為可以稍慰孺慕乃府君為祖母年高決意歸省不孝襲之又擬告養隨侍回籍府君含淚諭曰汝既以身許國何以家為且我年甫六旬眠食均健到家粗為安置即來爾署何惜此數月別哉遂將外任之事教誨諄諄纖微必具不孝襲之亦以府君精神如常勉強從命竊惟從此間居林下頤養天和可以優游自得矣乃府

君公而忘私之心無間出處回籍後見吾邑舉行團練多未周備府君即與同邑官紳悉心籌畫所需經費毫無所出先捐錢七千餘緡以倡邑人深思遠慮不辭勤苦家之人屢以節勞相勸而愛身之念終不敵急公之忱夏間不孝襄之曾接諭函云肝氣偶又發動腰腿作痛數日旋愈即入秋以來諭信中皆言身體康健詎料變出

行述

廿八

意外竟於八月二十一日午刻正在團練公所與官紳共議猝中風疾昇扶至家醫藥罔效延至申刻遽爾棄養嗚呼痛哉不孝等未得親承一言其將何以為情邪府君已矣一生嘉言懿行不孝等昏迷之際曷能殫述且服官三十二載所辦公事從不令家人知其間不孝襄之隨任者前後不過數年不孝簡之等年又幼穉所述不

過萬一耳嗚呼痛哉府君生於乾隆六十年八月初八日寅時終於咸豐四年八月二十一日申時壽享六十歲配吾母田夫人同邑

誥封奉政大夫候選員外郎加一級諱穎公曾孫女禮部司務諱燾公孫女廩貢生壽張縣教諭

贈奉政大夫刑部安徽司員外郎加一級諱

行述

廿九

起坊公女子男七人長不孝襄之甲辰恩科順天舉人刑部直隸司江蘇司員外郎安徽司廣東司督催所行走

實錄館詳校陝西司郎中揀發順天知府辦理糧台山西朔平府知府娶劉氏諸城縣太學生諱大江公女繼娶馬氏安邱縣庠生諱敬原公女次適之監生早卒娶高氏本邑議敘國子監典籍名夢齡公女以不孝襄

之子惇典為嗣俱吾母田夫人出次不孝簡之監生候選太常寺典簿娶田氏本邑議敘八品職銜名進聰公女繼娶牟氏日照縣乙未科舉人丙申科進士前山西長治縣知縣現署浮山縣知縣名衍駉公女次不孝綏之附生娶張氏安邱縣庠生名鶴翹公女次不孝舟之監生按察司照磨銜聘陳氏昌樂縣候選光祿寺署正名汝

行述

三十

雷公女俱庶母姜氏出次不孝薰之庶母陳氏出未聘次不孝康之亦庶母姜氏出聘袁氏長山縣戶部員外郎廣東司兼陝西司行走候選郎中名宜業公女女四人長適諸城縣安徽建平縣知縣劉公諱文霽子太學生名雲棟次適諸城縣候選州同丁公諱毓清子名良柱次字歷城縣士辰科副榜四川奉節縣知縣金公諱鳳藻

子名紹宗次未字孫男六人長惇典三品廕生候選知縣辛亥壬子順天鄉試挑取謄錄娶田氏本邑庚午科舉人陝西候補知縣諱名佐公女次惇本國子監算學生聘陳氏昌樂縣丁酉科拔貢侍讀銜內閣中書諱本公女次惇源聘劉氏諸城縣太學生名雲棟公女次惇福聘田氏本邑候選按察司知事名哲公女次惇宗聘李

行述

卅一

氏安徽合肥縣甲辰恩科順天舉人丁未科進士翰林院編修名鴻章公女次惇詩未聘惇典惇本惇源惇福惇詩俱不孝襄之出惇宗係不孝簡之出孫女四人長字昌樂縣丁酉科拔貢侍讀銜內閣中書陳公諱本嗣子名思熠次字昌樂縣庠生陳公名朱子名思熊次均未字俱不孝襄之出不孝等苦塊餘生語無倫次伏乞